

E inyeccion economico pa construcccion di prison na San Nicolas tabata necesario

ORANJESTAD (AAN)- Den e programa di Gobierno, Minister di Husticia Sr. Watty Vos a elabora encuan to e instituto di coreccion cu ta ser construi na San Nicolas. El a muestra di ta hopi optimista ya cu e construcccion ta bayendo

den bon direccion y ta hasta un paar di siman dilanti di e schedule cu tabata pone pe.

"E construcccion di e instituto aki ta pa nos tin un mihor lugar pa rehabilitacion di nos detenidonan caminda tin e terepia di trabao, unda nan por worde guia den un atmosfera mucho mas mihor pa ora cu nan sali den nos comunidad nan por worde ricibi manera sernan humano y personanan decente cu a siña di e erronan cu nan a comete", asina Minister di Husticia a bisa encuan to di e instituto nobo na San Nicolas.

"Di otro banda, e inyeccion economico aki tabata necesario muy en particular paso San Nicolas ta e distrito cu a sufrí e golpi di mas fuerte ora cu Lago a cera. Pesey e gobierno aki a dicidi pa pone man na obra pa cuminsa na checuta tur cos cu por, na e distrito aki pa e sla bira mas leve y pa e tatanan di famia di e distrito aki por haya un pan pa cria nan famia.

Cu e construcccion di e instituto aki no kier meen cu tur cos ta cla. Gobierno a institui un grupo di trabao bao di abogado Shon Lopez cu ta jurista cu a pone tur e leyman bieu relaciona cu prison, tur up-to-date pa asina ora e instituto correctivo bini cla, por traha cu leyman segun exigencianan moderno, Minister Vos a sigui bisa.

Minister Vos tambe a referi na weekend pasa cu Sr. Urbano Maduro, director di e departamento di Orden

Publico y Seguridad cu a biaha pa Hulanda pa haci e deliberacionnan necesario pa por haya lugarnan pa training di parti di e personal di e instituto. "Ya Sr. Fowler cu a wordé nombra hefe di e instituto y Srta. Hassel e sub directora ta coriendo stage na Hulanda pa ora e instituto aki habri nan por asumi e responsabilidadnan debidamente. Tambe ta necesario pa parti di e personal hiba stagenan na Hulanda pa nan tambe pone nan mes na altura di e trabaonan cu mester worde desplega na institutonnan asina ey segun normanan moderno.

Tambe lo bini un persona cu lo bay uda cu e preparacionnan necesario durante periodo transitorio di awor aki pa e dia cu muda pa e prison nobo pa haci tur e preparacionnan segun leyman y e experiencia necesario cu no tin aki.

Segun e Ministro no tin cierto expertisio, pesey ta bay trece un hende for di Hulanda pa yuda den e direccion aki. Tambe gobierno a pensa cu no solamnete mester bin prison nobo pero mester pone atencion na wardanan di polis.

Tabatin un warda di polis, cu celnan deplorable y inhumano, awor tin un warda di polis nobo pna Playa cu celnan nobo pa asina atende e detenidonan segun normanan cu awor ta existi di tur gobier-

no den tur paisnan moderno.

Minister Vos a bisa cu gobierno ta contento di por a trece e cambionan aki pa asina miembronan di e cuerpo policial por traha den un atmosfera nobo. E warda di polis di San Nicolas a haya atencion y esun di Noord tambe. Na Santa Cruz un renovacion completo ta ser haci pa duna e mes un metanan pa e pueblo.

Durante e aña pasa mester a construi celnan nobo especialmente pa e personanan cu no tabata paga nan boet, e Minister a sigui bisa. A stimula e personanan aki pa cumpli cu nan debernan pa cu gobierno pa cu comunidad. A construi celnan nobo na e prison bieu pa e meta ey. Sin embargo, door di e trabaonan cu e cuerpo policial ta desplegando, e celnan a yena. Gobierno a dicidi di pone e celnan disponibel pa otro personanan deteni pa nan ta den un otro ambiente y cu nan por haya e servicionan necesario cu por worde duna na prison y no por worde duna na warda di polis.

Asina ey, segun e Ministro e por sigui menciona difeente topiconan cu gobierno ta tene cuenta no solamente cu e parti fisico cu e edificionan pero cu e ambiente di personanan cu ta trahando den e edificionan. E maneho di gobierno ta basa ariba e ser humano cual mester ta

central. Pa e detenidonan a crea cierto facilidatnan pero tambe pa e miembronan di e cuerpo policial y departamento di orden publico y seguridad.

Awor aki tin un renovacion completo di e edificio di corte di husticia basa ariba e maneho cu gobierno ta hibando hasta den un tempo cu no tin placa, e Minister a sigui bisa. Ta duel nan cu durante añanan largo tur e lugarnan aki tabata deplorando y tabatin Miyones di Florin tabata drentando e isla siendo cu nada a ser haci na e edificionan aki. Mester siña di e erronan di antesornan considerando e factornan aki mester pone man na obra.

Parti di e cuerpo policial ta ariba beachnan como Strandpolitie, banda di hotelnan nobo pa mantene orden no solamente pa turistanan pero tambe pa hendenan pasobra gobierno ta tene na cuenta cu nos propio hendenan y nan seguridad ta na promer lugar. E cuerpo policial tey pa sirbi nan pesey e lema ta bisa: polis ta traha mientras e pueblo ta descansa, Minister Vos a splica.

Tambe Minister a bisa cu gobierno a haya un peticion di oposicion pa interpelacion di Minister di Husticia y lo bay tene un reunion pa evalua e peticion aki. "Pero di antemano mi kier bisa cu di Minister di Husticia mi ta habri pa duna tur sorto di informacion, pero no di informacion cu por tene cu nos no ta dispone di dje paso hopi biaha ta pasa den un departamento por ta cu cierto hende ta haya cierto informacion cu doño di curpa mes no ta na altura. Pesey Parlamento y Gobierno tey pa hunto dirigi e isla aki y hibe den e direccion cu nos tur ta desea".

Minister Vos ta kere cu Parlamento mester tey, oposicion mester tey pa por tin un democracia bibe den comunidad. Pesey gobierno ta habri pa intercambia di opinion y caminda cu tin sugerencianan pa drecha un situacion sigur sigur lo e ta aceptabel pa nan. E gobierno tin un goberacion habri pa pueblo ta na altura di tur loke ta sosode den e goberacion, pasobra ta conhuntamente ta hiba Aruba pa dilanti pasobra Aruba ta di tur, Minister Vos a termina bisando.

MERIDA

130 ** p/p cu

Aeropostal diario

CARACAS

130 ** p/p cu

Aeropostal diario

PUNTO FIJO

72 ** p/p cu

AVENSA diario

CARACAS

119 ** p/p cu

AVENSA diario

KANGURO
ARUBA TOURS
&
tel 32185 TRAVEL



Club Scaramouche

AWE

DIAHUEBS


LADIES NIGHT

Tur Lady ta ricibi:

1 Free Drink na entrada

"Amstel" Afl. 2,- henter anochi.

Bin pasa un rato agradable cu Bo lady.



Despues di e exito cu Osella Balloon Festival tabata tin na Paradera, Sra. Ella Vrolijk a dicidi di habri Osella Festival den Dakota Shopping Paradise. Srta. Natalie Pimienta, reina juvenil di Carnaval 1988 tabata tin e honor di corta e sinta, mientras cu Joase Ann v.d. Biest, reina infantil di Balloon Festival a parti blaas y cos dushi pa e muchanan presente.